

նէից, որ կարեւոր համարէին զիրկութիւն Սաշին՝ քան թողաւորին խրեանց, և թախանձանօք խնդրէին զայն, այլ նոքա ոչ ետուն:

Եմուտ Սուլթանն 'ի Տիրերիա և կոմսուհի տէր քաղաքին յանձն արար զայն 'ի ձեռս նորա, և ինքն մեկնեցաւ 'ի քաղաք առն իւրոյ 'ի Տրապոլիս: և Սալահատտին աւերեաց զեկեղեցին զոր կանգնեալ էր 'ի նմա կոմսն Տանգրի և կացուցեալ եպիսկոպոս (1099):

Ի Ժամանակի պատերազմիս յայսմիկ զօրք այլազեկաց ելեալ բնակեցան 'ի վանօրայս թափորական լերին, և 'ի ձեռն կրօնաւորաց ամրացուցին զբերդն անդ, և և յամին (1220) Արարացիք տապալեցին զամրոցն և զաշտարակն, որ յանկիւնս յարեւելից հարաւոյ, աւերեցին և զվանօրայս:

Սալահատտին զկատարեալ յաղթութիւնն զոր տարաւ 'ի պատերազմին Տիրերիոյ, փութաց առաւել եւս կատարելագործել զայն՝ արեւելով այլոց քաղաքաց եւս. վասն որոյ բաժանեաց զզօրս 'ի գունդս գունդս, և կացուցեալ զօրավարս 'ի վերայ նոցա, արձակեաց 'ի չրջակայս Երուսաղէմի, և ինքն դէմ եղեալ զնաց 'ի վերայ Պողոմայիդայ Սիդոնի և այլոց ծովեզերեայ քաղաքաց: Իսկ զօրավարացն այնոցիկ արչաւեալ 'ի կողմանս կողմանս սրով և հրով՝ արեցին 15 հռչակաւոր եւ ամուր բերդից. առին զնազարէթ. գտին զՍուֆուրիա դատարկ 'ի բնակչաց. արեցին Կեսարեայ Պաղեստինացոյ. անձնատուր եղեւ Արսուֆ. հասին 'ի Սերաստիա և զմեծ եկեղեցի Յովհաննու Կարապետին փոխեցին 'ի մզկիթ. առին զնապլուս, և զայլ քաղաքս և զամրոցս. փոլովեցին աւար բազում և դերի, որոց ոչ դոյր թիւ: Իսկ Սալահատտին էառ զՊրտղոմայիս և զայլ ծովեզերեայ քաղաքս, պաշարեաց զՏրապոլիս, և խնդրէր զբերդն և զկին կոմսին որոյ այրն մեռեալ էր չարաչար. և նա խնդրեաց պատանդս յերեւելի արանց, զի գնացէ առ նա և լինիցի նմա կին: Եւ առեալ զնոսա 'ի ներքս՝ եհատ զգլուխս նոցին և ընկէց արտաքս, ընդ որ զարհուրեալ 'ի բաց գնացին. Վարդապետ. Երեւ. 177:

Ապա եհան Սալահատտին զթագաւորն Երուսաղէմի զՔուխտոն եւ զորս ընդ նմա 'ի բանտէ և խոստացաւ թողուլ զնոսա ազատս, եթէ թողուցուն Լատինք զայլ քա-